

嘉靖寶應縣志略

地 220,917
275
部 =

全

天一閣藏明代方志選刊

寶應縣志畧

一九六二年四月上海古籍
書店據寧波天一閣藏明嘉
靖刻本景印原書版框高二
〇·八公分寬一四·六公分

寶應縣志序



志古列史也寶應原無志嘉靖庚寅
侍御聞人北江君令茲土惜之因手
撰成書旋奉

命入

朝遂廢今年冬余觀風寶應求縣志吏
上志稿余覽之嘆曰此而不傳邑無
考矣後之人其將奚鑑其將奚戒哉

寶應縣志序

一

爰命刊之用成北江君之志云

嘉靖十七年歲次戊戌冬十一月

欽差巡按直隸監察御史蒲坂舜原楊瞻
序

叙寶應縣志畧

直隸提學御史餘姚聞人詮撰

聞人子曰寶應縣志其詳不可得聞也
君子曰異哉異則廢撰輯其事而備志
焉備則誣是故志也者識也積集其事
而記之之謂志乃稽諸往典質諸士人
證以一統維揚新舊等志述其所可信
者志而傳之所不可信闕焉以俟後之

寶應志序

一

君子因題曰志畧

右庚寅之歲令寶應督諸生輯志語
志將脫稿赴召命未克鋟梓踰六年
二三子嗣成之仍以前語綴其端

寶應縣志畧目錄

卷之一

天文志第一

地理志第二

卷之二

田賦志第三

祠祀志第四

官師志第五

卷之三

人物志第六

卷之四

附錄詩文

義例志史也事必核文必當義必精夫是之謂史今撰
寶應志畧首天文以邇陟降次地理以物土疆次田賦
以程徵役次祠祀以正報典次官師以重訓則終人物
以稽彥哲共凡六篇而邑之故實畧具焉蓋有志於史
而不敢苟焉作也六篇之中義以立事例以義裁凡事
實譌冗及好事近誣者不書食貨常有者不書官屬卑

冗無聞者不書人物存者不書一切私家詩序碑志不
書附錄詩文一卷凡邑事應紀者存焉

寶應縣志畧目錄終

寶應縣志畧卷之一

天文志第一

周禮春官保章氏以星土辨九州之地皆有分星以觀

妖祥鄭氏註星紀吳越也漢志吳地斗分野晉志揚州九江入斗

一度隋地里志揚州在天官自斗十二度至須女七度

為星紀於辰在丑魏陳卓言群國所入宿度曰廣陵入

牛八度聞人子曰寶應廣陵比鄙亦入牛八度災祥舊

無載籍按近志弘治十有六年夏大旱邑人仲氏本賑粥十有

七年夏四月麥秀五岐十有八年旱蝗大無稼正德元

寶應縣志卷一

年春正月元日湖水花樹文三年大旱蝗六年春正月

朔晝晦如夜夏六月大水湖決凡決廬舍田禾盡毀九年大旱蝗

十有二年大水湖十有四年大水湖決南北嘉靖二年

春旱秋大水湖決大饑三年大疫知縣劉恩兩請賑七年蝗是年

奏蠲田科之半秋八月試築越河二龍見知縣聞人詮慮湖為患奏開越河試築紀

工方類地抵舉事雲四合二龍戲水射洋鱗角畢露衆懼雨寢工時四面皆大雨獨不及工所咸稱神異

八年春旱蝗夏蝗甚赴湖死者餘千石秋大水奏蠲田阻九年秋七

月湖決十日脩復十六年春旱夏五月淫雨彌旬水大發湖

決南北越月脩復

地理志第二

禹貢揚州之域春秋屬吳吳亡屬越越亡屬楚秦屬九

江郡漢置平安縣屬廣陵郡又名安平王莽改為杜鄉

東漢又改為安宜縣邑有安宜梁置陽平東莞二郡隋開

皇初罷郡置安宜縣又省石鼈縣入焉邑有石鼈城屬江都

郡唐武德四年立倉州領安宜縣尋廢州以縣屬楚州

上元三年獲定國寶遂更為寶應縣宋初因之寶慶三

年陞為寶應州以象國進寶歲豐又陞為軍元初為寶應軍路

後改安宜府尋罷為寶應縣屬高郵府 國朝克定淮

寶應志卷一

二

地為高郵州寶應縣屬揚州府地廣二百四十里袤八

十里其疆域所接東鹽城東南興化南高郵西南天長

西鳳陽西北清河北山陽東北海州舊有城周九里三

十武廣二里二百六十武表三里宋嘉定間令賈涉請

城寶應役興以憂去金人犯光州起涉竟前後宋淳祐

十三年李庭芝復城寶應進一秩宋史元至正十年僉院

蕭城增築之 國初淮陰侯華中移築淮安為新城舊

基尚存縣治三十四里南臨五湖北距長淮東漸于海

西障雲山為南要衝故州志云東南咽領曾渙曰淮東

控扼有六四曰寶應此為形勝焉

邑名寶應以唐上元三年獲定國寶更安宜為寶應縣

唐史 肅宗時楚州獻定國寶玉十有三命皇太子監國

大赦唐史唐改成式記監國詔曰上天降寶獻自代宗楚州神明生歷數之符合璧定妖災之氣

監國楚州獻定國寶十有三因曰楚者太子之封今天

降寶於楚宜以建元乃以元年為寶應元年唐史肅宗建

巳月壬子楚州刺史崔旉表稱有尼真如恍惚登天見

上帝賜以寶玉十三枚曰中國有災其以此鎮之群臣

表賀按真如獲寶事唐人有鄭輅杜確記俱不存今見宋石豫定國寶記傳疑也記畧曰唐河南鞏縣尼

真如本趙郡李氏子始嫁賀若氏夙喪其夫既斃為尼以精進心力持齋行天寶初尚在鞏時晝日有五色雲從東方來雲間若有人以囊授真如戒曰爾需後命勿妄起發真如敬受蘊藏刺置持獲逮安史亂國兵震蕩衣冠遷播真如避地淮楚寓居安宜上元二年冬十二月忽二皂衣人召真如歸東南行見樓觀參差兵衛謹嚴有人衣碧衣冠碧冠光輝顯昂號曰天帝賜列坐者凡二十餘亦曰諸天相與語曰唐室中圯殺戮腥穢當歛寶以安鎮之內一天曰中原庶民福力蹇淺當給第一寶然然疹氣充塞不足以勝則災不可弭帝曰然因歛第二寶付真如曰汝歸諭刺史俾以狀聞又曰前付汝囊中寶人臣可見今付汝八寶惟人主可見具以寶名及鎮用法授真如已而皂衣復送真如還舍由縣上郡刺史崔旉以聞適賊將圍睢陽城蔽遮江淮路部給兵衛由便道馳詣闕下時方上元三年更為寶應元年十三寶者一曰元黃天符辟兵疫也二曰玉雞彰孝治也三曰穀壁豐五穀四曰王母玉環賓四夷也此真如前所授於鞏者通王母二環總其數為五也六曰如意珠

七曰紅韎鞞八曰琅玕二珠九曰玉玦十曰玉卽十一曰皇后採桑鉤十二曰雷公石斧此真如後所受於安且者通琅玕二珠總其數爲十三也

山有雲山以雲出卽雨故名在縣西南一百五十里近盱眙高十八丈長三里上有龍潭水不竭爲石龍廟僊人洞長十二丈廣八丈有門可容人行

箕山在縣東六十里高一丈五尺周迴四十里見太平寰宇記今無山惟丘阜百餘

褚廟岡在縣西一百里上有龍王廟高一丈九尺

雙女岡在縣東五十里高二丈餘

水之湖有清水湖在縣南范光湖在縣南十五里灑火湖

在范光湖之西近衡陽又西爲津湖

魏書作精湖文帝伐吳滯舟處接

連高郵四湖匯而爲一俗總呼爲范光湖道路人稱寶

應湖所謂鐵寶應者是已西望浩淼無際東障以提西

風間作怒濤捲地相推而直奔東岸橫激隄石掀湧潰

薄漕舟一觸而碎隄之東地卑皆民腴田歲每有湖決

之患

白馬湖在縣北十里連官河

廣洋湖在縣東南五十里東通沈黎港入博支湖射陽

湖在縣東六十里漢書廣陵王有過其相勝之奏奪其

射陂

射史記作貫漢劉經樊丹俱封射陽侯

即此湖也周迴可三百里南

北淺狹自固晉至喻口北入海唐大曆三年與洪澤並置官屯後以所收歲減並廢博支湖在廣洋湖之東南

接馬長汀

俗訛爲郭真湖

梁湖在射陽湖北

河有運河即古之刊溝也漕運通志作漕河一統志作官河宋山陽志云南接廣陵北流入海左傳哀公九年吳城刊溝通江淮杜預註云吳於刊築城穿溝東北通射

陽湖西北至末口入淮吳越春秋云吳將伐齊自廣陵掘江通淮運糧之水路隋煬帝幸江都命尚書左丞皇甫議發淮南諸州兵丁十餘萬開刊溝自山陽至楊子入江唐宋元運道皆由此河今仍之餘詳隄

濟河在縣西南八十五里北入衡陽河成子河在縣東十八里東南接章思蕩

涇河縣東四十里南通閔車蕩

衡陽河在灑火湖之西

蜺河近射陽湖

潼河在縣東南六十里接子嬰溝東北入廣洋湖宋涇河卽縣市河

塘有白水塘卽白水陂在縣西八十五里郡志云宋武帝元嘉中決水灌魏軍卽此陂也陂濶三十里本魏將軍鄧艾所築於此屯田積穀以制吳人盱眙蘆浦山破金塘相通溉田一萬二千頃隋大業末破金塘壞水北入淮而此塘亦涸宋嘉定中復脩東至浮圖莊南至褚廟岡眷周一百二十里岸脚濶十餘丈高一丈以上有八斗門以溉塘下田其地涉山陽盱眙兩縣所堰之水出

富陵河河源出白塘山在盱眙之南北山岡阜重疊溪澗縈紆凡四十里有三堰一曰潭頭下堰二曰河喜中堰三曰劉家上堰三堰所以障白塘山澗之水不得入富陵河東匯爲塘游波與寶應高郵諸湖相接衡陽阜三角村諸地皆在浸淫之域今堰廢塘猶存焉

羨塘唐地理志在縣西南與白水塘合

港有望直港在成子河之西劉鎮港在縣東北四十里接覲墟蕩沈絜港在廣洋湖之東

溪有瓦溝溪在縣東南十五里入望直港閭丘溪接清水

湖黃莆溪在縣北二十里通官河安宜溪在縣西南六十里舊縣以此立名凌溪在射陽湖之西上通黃莆溪海陵溪俗呼琵琶頭西北通射陽湖

溝有七里溝在縣北十里通官河東入黃昏蕩界淘溝卽蛤拖溝在縣東三十里東南入火盆蕩長沙溝在廣洋湖之西澗溝在縣東南二十里瓦溝溪之南楊家溝西北接射陽湖三王溝中貫箕山子嬰溝北連澗溝

堰有黃莆堰相傳吳王渙置白莆至黃莆五百餘里捍監通商以富其國姜家堰在縣東八十里宋祥符間置南

門堰在南門外洪武間知縣李恢脩築三堰俱廢

汀有馬長汀在縣東九十里東接鹽城南通博支湖

蕩有曰黃昏曰火盆曰章思曰關車曰蜺蜃

互見他水

潭白龍潭在雲山之上高家潭西會清水湖

澗金釵澗在縣西七十里北入衡陽河

赤水澗西接白水塘

魚池澗西北通白水塘

忠心澗在金釵澗南

涇郡志有大府涇

大府卽揚州

唐長慶間置白水塘屯田發青

徐揚三州之民鑿之故有青州涇徐州涇皆在縣西南四十里又有竹涇在徐州涇之東北俱塞

宋涇見河

寶應之水其來自山陽盱眙白塘諸山而渟於湖為有源又自湖東洩而輸于海為有歸然渟者溢輸者塞今之司牧亦當究心也

池有愛蓮池在縣南百武卽得寶河相傳為真如舊居洗馬池在塔下閘東飲馬池在雲山

渡有西白田渡在南門渡口巷三里渡在縣北三里白馬湖有白馬渡黃浦渡槐樓渡黎城渡各在其鎮蔣家渡在縣西十五里晏村渡在縣西南七十里五里涇渡在黎城之西南

閘北有塔下閘南有蔡橋閘

埧有南埧北埧通鹽城興化路在城

隄則運河隄在寶應自黃浦至界首得八十里卽唐李吉甫所築平津堰是也一統志云宋天禧中江淮發運使張綸築重和元年發運副使楊廷俊言真揚楚泗高郵

運隄舊有斗門閘十七座詔檢脩復 國朝洪武九年
詔揚州所屬脩而甃之寶應視樓一路則淤陷難治復
以老人栢叢貴建言發淮揚丁夫五萬六千人於湖外
穿渠四十里築隄甚便永樂間陳恭襄瑄又益增築法
置淺鋪塘夫備積穡草遇有衝決取捲草雜土爲埽椿
下之輒採塞無患弘治間同知葉元又多集土廣隄然
歲久風水齟齬滲漏正德間凡五六次隄決隄每一決
則公私費輒巨萬阻傷運艘民人亡死流移縣日益貧
知縣聞人詮力主開越河之議嘗奉

俞旨嗣後諸賢論奏不一開河之議興矣

昔先王省方觀民故十五國之風以土地瘠沃殊焉
寶應舊無志風俗不詳郡志曰從約易化俗厚而勤
於稼今則蹙蹙以貧稍爲異焉今邑者不可不究心也

附載水利諸疏

嘉靖五年御史戴金疏畧云弘治正德

間寶應湖堤屢決費銀數萬餘兩欲建
閘座脩濬下河勘得堤下河道若子嬰溝接潼河下廣
洋湖長沙溝接官莊亦入廣洋湖劉家浦通瓦溝溪望
直港宋涇河接官河三里溝通七里溝出蛤拖溝本縣
東門外起至流星港軍師廟起至章思蕩始拖溝起至
射陽湖各處挑濬計筭人夫六千以上每夫四十餘工
方能集事每日該銀三分雇募挑濬則官籍民力以成
功民賴官錢以度日該費銀八十一百餘兩查得兩淮運
司自嘉靖四年至五年除解過餘鹽銀二十三萬見今

徵解尚有三十餘萬之數於內動支百分之一以備濟河之用則河隄免衝決之患居民無旱澇之苦商盜有運載之便附近居民免煩年脩築之煩一舉而四善備矣工部郎中陳毓賢疏畧云寶應范光湖往來運糧等船入湖三十餘里湖隄舊基俱是土石築成僅高湖面不過三尺許隄西湖身勢高隄東田勢下惟賴一堤障水而已且西有長六合泗州等處地勢高阜一遇雨積水發即時彌漫加以黃河水漲又由淮口而橫奔數年水患不時衝決非惟運糧有防而寶應鹽城興化通泰等州縣民田倉沒飢荒隨至此江北之第一患也如此照高郵湖先年刑部侍郎白昂脩築康濟河事例於湖堤迤東脩築越河一道庶可免百年風波之患其次者自淮安而下寶應隄東有曰黃浦曰卽見溝曰劉家壘曰三里溝曰津湖高郵新河曰九里灣曰三淺曰四淺曰五淺界首俱各有溝可以通注於海各造中等平水閘一座大約用銀不過三千餘兩如糧運用水五尺則開限以六尺爲準水高則聽其自洩水平則聽其自止自洩自止隨長隨消雖有水滂備之有素減之有

寶應志卷一

漸如隄下宋運成子給拖新溝等河巷行令人夫挑壑深濶使之流通達海大然則受水有地不害乎民田橫水有洩不決乎隄岸二者兼舉亦河防之長利也嘉靖七年巡按御史王昇條陳內稱揚州府寶應縣范光湖實漕運進貢往來舟必經此一遇風險惡往往傾覆議者欲開內河行舟以保漕運建閘壘以固河防乞行撫按衙門估計動支兩淮運司餘鹽銀兩專委能幹官員責以月日尅期成工嘉靖十年御史聞人詮疏畧云臣昔今寶應切見本縣南臨巨河証表三百餘里中經一線之堤風浪險惡防岸屢崩軍民糧運等船輒見覆溺高郵寶應興化泰州鹽城等州縣七田恒苦淹浸新興五右等十場鹵地亦被漂沒潰決甚易而脩築甚難每當一決之時動有千金之患卷查正德年間脩壞塞潰經費不下數萬餘兩其沉溺人船荒棄田土蓋又不能以數計也臣重念民艱深慙尸素因求所以拯救之方備閱先臣經畧之術迺知高郵地方舊時亦多湖患弘治年間刑部尚書昂具題開築越河一道計用工料價銀肆拾餘萬兩比時若爲撈擾迄今稱爲康濟

此州之民遂獲更生者今數十年矣今寶應與之接壤
受患相同而興利之功獨異節經管河郎中陳毓賢巡
按御史戴金等相繼具題俱奉有明旨該部知道嘉
靖五年六月十四日該工部尚書趙璠等覆題奉
聖旨這事著章極會同高友璣楊宏又巡按御史等官逐
乙相看若開築越河果為上策可以免百姓風波之患
從長計處欽此欽遵真經國遠猷救時急務俱因撫按
諸臣遷代不常守土之官僥倖無事遂皆因循廢閣久
而無成臣目擊斯弊當時即行具奏已蒙命下該部
轉行看處臣隨與先任揚州府知府易潛等經畫估計
約用工料等銀九萬七千餘兩臣猶自度上木工程非
浪估可計其數國家重事或冒破不免於辜迺鳩集百
夫試築一方合用人工楮木磚石灰木等項俱以一起
十積募引伸共計用銀四萬三千三百兩零三錢蓋已
減於原勘之半而視昔日康濟河之功僅之十一耳猶
恐多則傷財少則病民仍復會同先任管河郎中黃行
可逐一查覆明白數申總理河道衙門去訖今又逾二
年于茲矣仍復未見舉行且揚州地方連年災傷多由

於此而賑窮恤災此舉尤為有利伏望軫念一方之害
早為先事之防勅下該部議將兩淮餘鹽銀兩查給前
數選差司屬官壹員前去督理責限興工庶事不至因
循而功業亦可期於必集矣戶部員外郎范韶疏畧
云寶應范光湖與新開白馬等湖白木陳公等塘匯而
為一週圍計五百餘里可謂天下之要害也切照弘治
年間刑部侍郎白昂於高郵胡修築康濟越河今逾
四十餘年安享猶如一日惟寶應越河未築湖堤屢決
糧運長沮數經脩築動費不貲然白昂開河所費無幾
數百萬餘今寶應若開越河長僅二十餘里先任知縣
聞人諗留心漕運丈量見數試築一工計費若干積募
萬工皆有定數估計給工最為節省比之白昂所費不
幾十分之一節經多官奏議屢有
明旨顧迺因循不即奉行竊恐當事大臣視為大難耳
况白昂已有故事踵而行之何難之有伏望亟為開築
務在來春乘天和水涸之時興一勞永逸之利則隄岸
庶免衝決而糧運庶免無虞矣陝西按察使仲本疏
畧云天下之事聞知者不若見知者之真見之者不若

任之者之功臣揚州府寶應縣人今致仕家居目見本縣湖水險惡每歲衝決之患節經諸臣具題節奉

聖旨修築但聞近日勘官扭干故常不肯任事臣謹詳高郵越河長四十餘里今寶應湖用力於弓弦計工止二十餘里比之高郵已減一半又經聞人詮脩築樣工一處以一起十積筭引伸共計用銀四萬一千三百兩有零本官又會同管河郎中黃行可本府知府易瓚連開渠建閘脩築舊隄閘口等費共約價銀八九萬兩而止與今各官所估亦同俱各官歷任未若聞人詮之久本縣地勢尚未深知故皆持可否兩端以覆致使該部亦難覆奏正臣所謂見之者不若身任之之切也若不因時脩築越河必竟隄岸決不可保漕運必至有傷田地人民之懇復亦無期日矣

都御史周金具題為預虞隄防慎蓄水利以疏通運道事疏畧云夫徙薪者貴在於未然過流者莫要於蟻穴與其事至而無備孰若先事而預防况此隄南接衆湖東連大海逼近黃淮貳河水易泛溢無以舊梗低薄椿室頽壞西風一起巨浪拍天酥蝕之士豈能抵此重勢

及今不治則來歲運道重為可虞臣目擊前弊乃不敢自逸節次撐駕小船躬往彼處再加相度驗得淮水灌入閘口東至城下拆而南向與裏河衆流相敵倉卒洩洩不前未免合勢衝決臣屢謀諸士庶皆曰必須查照先年原築丈尺及蓄洩事宜置閘疏導分洩下流更須堅築隄岸務期高厚一則可以少殺水勢一則可以預防衝頽除淮安迤南黃舖迤北河隄五十餘里事在緊急先行督令該府起時就便取土培築及府城西門外烏沙河一帶至方家等閘地方見今淤淺會行各該管理河道衙門先行挑濬其實應高郵南北沿湖處所一應置閘培築加隄濬導等項情節合用錢糧人夫不貲事干重大未敢擅便謹逐乙議擬開呈上塵睿覽等因又該都督僉事劉 題同前事俱奉聖旨該部知道欽此欽遵

縣之建置縣署在嘉定橋西宋乾道元年知縣蕭德蔡建

開禧後徙干橋東稅務之側嘉定六年知縣賈涉遷復

舊址元末兵毀 國朝吳元年縣丞鍾元善修後知縣
劉惟則完之正廳三間為親民堂幕廳西鹽庫後為川
堂為慎德堂東為庫樓馬廐在西前列鼓樓儀門六房
左為獄右為土神祠慎德堂之後為知縣廨東西為佐
貳幕廨凡四吏舍附于西知縣方仲陽張壘余玠相繼
而葺之間人誼益繚以垣構廊房備戶牖置吏舍三十
楹

儒學在縣署南廣惠橋之西宋嘉定間知縣賈涉建元末
廢于兵燹 國朝洪武三年知縣王驥循復舊址六年

知縣李恢訓導于惠輯之二十八年教諭李順增拓基
地益廣至正統七年知縣朱瑗更建有國子祭酒陳敬
宗記 後知縣龍淮韓立相繼脩焉科名碑亭在掖門
左知縣曾贊建學士楊守陳有記 敬箴亭在明倫堂
後知縣黃敷建

射圃廳在文廟西號房二十間俱知縣徐祺建

察院在縣東知縣劉維則建院制甚整知縣聞人銓葺之
後為冰玉堂堂之後新為栢臺俱知縣徐祺建

工部分司在槐樓鎮

府行署在寧國寺西知縣林馥重建

預備南倉洪武間知縣方仲陽建在縣治西街又有東倉
西倉北倉今廢

槐樓巡檢司在縣南二十里

衛陽巡檢司在縣西南一百二十里知縣聞人詮脩

安平驛在縣北門外洪武間置驛規制甚整知縣聞人詮
新之

稅課局在通濟橋南大街東今廢為社學

陰陽學在南門外

寶應志卷二

古

醫學在嘉定橋北大街東

僧會司在寧國寺

夫廠在預備倉西小館驛在夫廠北

申明亭在縣前街西

旌善亭在縣前街東

知縣聞人詮易民祁
鯨地廣察院街今廢

教場在東郭舊城內

養濟院在嘉定橋北大街東

迎賓館在夫廠前知縣聞人詮建

南湖館在南門外臨湖知縣聞人詮建

北城館在北門外臨河知縣聞人詮建

去思亭亭後有堂在西門外臨河有侍郎王公軌所撰遺

愛碑記

急通舖總舖在縣前北抵山陽曰白馬寺曰黃莆南抵高

郵曰白田曰槐樓曰瓦店子曰范水曰江橋曰子嬰又

有淺舖九處子嬰溝淺 丁家潭淺 瓦店淺 槐樓

湖口淺 黃莆淺

縣有坊鄉坊有四東南隅東北隅西南隅西北隅各一里

坊之內街有南北大街縣前大街東西大街巷有井巷

會應云卷一

一五

昭孝坊北倉巷愛民坊北張家巷南門杜家巷廣惠橋北李家巷通濟橋北

秦家巷嘉定橋西馬家巷學南臨湖竹竿巷瑞芝橋西馬口巷竹竿

巷陶家巷瑞芝橋東閘板巷渡口巷俱南門馬房巷館驛巷

俱北井有縣前井通濟井通濟橋北普濟井嘉定橋北壽源井

齊壽橋北通義井昭孝坊東靈源井城隍廟南甘露井崇勝院內博施井

崇儒坊西永和井善慶坊西慈施井寧國寺前利物井寧國寺東義興

井寧國寺街北益庶井東北街同人井瑞泉井瑞芝橋東北醴泉

井齊壽橋東北南撞門井南門北撞門井北門五龍王井龍山廟前

萬泉井渡口巷西北玉泉井東甕城外便民井東甕城外壽亭井關王

廟周家井縣西北開化方食事豪飲此水橋有曰嘉定

左即縣橋曰廣惠即新橋曰通濟即小橋曰忠祐城隍廟前曰

齊壽東甕城內曰惠政渡口巷東曰瑞芝東門街曰水門舊北門曰

板橋儒學南曰便民曰三思曰通仙今俱廢曰五里縣南五里潭

曰愛蓮儒學西曰遺愛邑屬壇西舊名廣運曰鐵橋邑屬壇東義民鄭牧自建坊

寺觀已廢者不詳載坊曰崇泰曰安仁曰昭孝曰熙春

曰愛民曰昭武曰仁義曰鵬踏曰新街曰開泰曰崇儒

曰製錦曰善慶曰登雲曰進士曰科第曰興賢曰聯芳

曰書錦曰騎鯨曰紹熙曰應期曰符卿曰春官曰繡衣

寶應三卷

曰繼科並廢今存者曰貞節仲旺妻鄭氏曰節婦于朝宗妻張氏曰

聯芳曰啓秀仲本仲葉兄弟曰進士張曰登瀛曰進士張拱曰際

時王曰少方伯范寺有曰天寧曰唐興曰崇勝並廢今

存者曰寧國嘉定橋東曰真如東嶽廟觀曰玄都曰玄妙曰三

皇曰洪山並廢今廟存者曰東嶽城隍廟前曰崇真瑞芝西曰

真君城隍廟東曰五聖崇真廟西曰關王北門街東曰五龍王曰周宣

靈王南門外

鄉有九三阿四里在縣治東曹村二里軍下四里原王野四里在縣東南末

寧二里在縣治東順義四里原孝義四里侯村二里在縣治西南白馬

四里原三里在縣治西一統志本縣編戶二十七里郡志又云轄三十里今為三十四里知縣聞人詮以王野求寧三阿民逃力單欲歸并三鄉復為三十之舊請議有疏

鄉之內有鎮曰槐樓義鄉曰衡陽在侯村鄉曰黃蒲舊名上存鎮在白馬鄉曰范水在曹村鄉曰瓦

店在曹村鄉曰黎城在侯村鄉曰射陽在三阿鄉曰盧村在軍下鄉集有官

莊集在軍下鄉赤水澗集在順義鄉衡陽集黎城集俱侯村鄉砦有射

陽湖南水砦北水砦范水湖東水砦西水砦上莊山砦

俱白馬鄉

牧馬廠曹村廠在縣東南曹村鄉末寧廠在縣東南軍下鄉計田九頃六十畝

十三畝三群蓋廠在縣西南白馬鄉計田五頃七十六畝七分南順義廠在縣東南軍下鄉計田九頃五分四厘

寶應志卷一

西南順義鄉計田二頃射洋北廠在縣東三阿鄉計田四十六畝七分五厘

七射洋南廠在縣東三阿鄉計田一十一厘五毫末寧廠在縣西南計田六十七畝八分六厘五毫

孝義鄉計田二頃小馬廠在縣西南衡陽東北侯村鄉計田二十六畝一分

順義小馬廠在縣西南北順義鄉計田一頃六十一畝二分遇便廠在縣西南計田九十九畝

長興廠在縣東北三阿鄉計田三頃九十九畝二分巴上共草田七分五厘

五十五頃六十畝六分三厘五毫其四至封墩界址并田隣佃田姓名詳見縣碑文可考

橋郡志二十四座古白馬橋范光橋在二湖口寺有齊興在順義鄉石礎在官河堤

義院有東壽安在曹村鄉曰北壽安曰福聖曰卧輪俱白馬鄉曰

西壽安曰甫里曰獲國觀音俱侯村鄉曰龍竿曰天宮曰慈

氏

俱三阿鄉

曰蘭亭曰興福曰羅漢

俱王野鄉

曰蜺蜺

在末寧鄉

曰艾

塘

在孝義鄉

廟有清源曰龍女曰回風曰炳靈公

俱孝義鄉

曰三

山曰東嶽

俱侯村鄉

曰將軍

在白馬鄉

曰甘羅曰魯恭王

俱三阿鄉

曰

龍王

在順義鄉

古蹟有金牛城在縣東南十五里宋熙寧間王將軍築高

三尺長三里廣一里土色正黃形如牛然

石鼈城在縣西八十里郡國志云山有石鼈遊故名魏

鄧艾築以營田晉荀羨鎮下邳屯田于東陽之石鼈北

齊蘇珍芝又議脩石鼈等屯通典載山陽重鎮守險有

晉書卷一

六

平陽石鼈田稻豐饒蓋歷代屯田之地

高黎王城在縣西南八十里宋治平間高黎王築高一

丈周迴一里四十武

梁武帝讀書臺在齊興寺內今廢

射陽墩在射陽湖之西墩以數千計若懸釜覆釜大小

夾持間有徑如列埏隧又其下或洞然空叩之有聲如

谷音耕夫牧兒時於其間得瓦甕之類有古制焉

塔在縣西北臨河高十二丈客往往言弘治間過此見

塔巖然西欹于河若崩也今直矣歲久金碧漫漶其鈴

欄燈室隱有可卽然亦麗盛矣此必有寺有則正當值
河今隕而爲谷安可知也聞其上有鐫字曰至元二十
九年造無從質焉

墓有表術墓在縣北二里舊郡志云墓門碑額鐫漢時
衣冠人物甚工今不存

陳文墓在縣東北文國初功臣封東海侯墓有古松
千株負郭面湖岡勢隱伏極可游

寶應縣志畧卷之一 終

